

Anuncio

INFORMACIÓN PÚBLICA

O Pleno do Concello de Láncara en sesión extraordinaria realizada o 2/11/2016 acordou aprobar inicialmente a modificación da Ordenanza fiscal n.º 8 reguladora da taxa pola expedición de documentos administrativos. O citado acordo foi exposto ó público polo prazo de 30 días hábiles mediante anuncio publicado no BOP de Lugo de 05/11/2016 sen que durante ese prazo se presentase reclamación algunha, polo que se entende definitivo o acordo inicialmente adoptado co texto que se transcribe:

“ORDENANZA FISCAL Nº 8 REGULADORA DA TAXA POLA EXPEDICIÓN DE DOCUMENTOS ADMINISTRATIVOS DO CONCELLO DE LÁNCARA

ARTIGO 1.- NATUREZA, OBXECTO E FUNDAMENTO

En uso das facultades concedidas nos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais, e artigo 331 da Lei 5/1997, do 22 de xullo, da Administración local de Galicia, este concello establece as Taxas por expedición de documentos administrativos na presente ordenanza, as normas da cal atenden ó previsto nos artigos 20.4 e 57 do Real decreto lexislativo 2/2004, do 5 de marzo, polo que se aproba o texto refundido da Lei 39/88 reguladora das facendas locais.

É obxecto deste tributo a tramitación e expedición a instancia de parte de toda clase de documentos que correspondan á Administración municipal.

Entenderase a instancia de parte a tramitación ou expedición de calquera documentación administrativa que fose provocada polo particular ou que repercuta no seu beneficio, aínda que non mediase solicitude expresa do interesado.

ARTIGO 2.- FEITO IMPOÑIBLE

1.-Constitúe o feito imponible da Taxa a actividade administrativa desenvolvida co motivo da tramitación ou expedición, a instancia de parte, de toda clase de documentos.

2.-A estes efectos, entenderase tramitada a instancia de parte calquera outra documentación administrativa que fose provocada polo particular ou redunde no seu beneficio aínda que non mediase solicitude expresa do interesado.

3.-Non estará suxeita a esta Taxa a tramitación de documentos e expedientes necesarios para o cumprimento das obrigacións fiscais, así como as consultas tributarias, os expedientes de devolución de ingresos indebidos, os recursos administrativos contra resolución municipais de calquera índole e os relativos á prestación de servizos ou realización de actividades de competencia municipal e a utilización privativa ou o aproveitamento especial de bens do dominio público municipal, que estean gravados por outra Taxa municipal ou polos que se esixa un prezo público por este Concello.

ARTIGO 3.- SUXEITO PASIVO.-

Son suxeitos pasivos contribuintes as persoas físicas e xurídicas e as entidades a que se refire o artigo 35 da Lei 53/2003 que soliciten, provoquen ou en cuxo interés redunde a tramitación do documento ou expediente de que se trate.

ARTIGO 4.- EXENCIONS

Os usuarios dos servizos sociais quedarán exentos de pagar ditas taxas polos documentos administrativos que precisen nas tramitacións que realicen a través dos servizos sociais do Concello e que sexan solicitados pola Traballadora Social.

A documentación necesaria que soliciten os concelleiros para desempeño das súas función, tanto de goberno como de oposición.

ARTIGO 5.- COTA TRIBUTARIA

1.- A cota tributaria determinarase por unha cantidade fixa sinalada segundo a natureza dos documentos ou expedientes a tramitación de acordó coa Tarifa que contén o artigo seguinte.

ARTIGO 6.- COTAS

As cotas tributarias serán as seguintes:

CONCEPTO	IMPORTE
1.- Certificados do padrón de habitantes cunha antigüidade anterior a 1996	3,00€
2.- Certificado da numeración de vivendas, edificios e solares, de situación de vivenda, de distancias	1,00€
3.- Informe de distancias	1,00€

4.- Outras certificacións ou informes emitidos polo Negociado do Padrón de Habitantes e Estadísticas	0,50€
5.- Certificación do catastro, descriptiva e gráfica (por cada unha)	0,30€
6.- Por expedición de información xeográfica de parcelas agrícolas (Xispac), por cada unha	0,30€
7.- Relación de Bens catastrais por titular	0,30€
8.- Copias de planos	
8.1.- Por cada copia tamaño DIN A-4 en branco e negro	0,30€
8.2.- Por cada copia tamaño DIN A-4 en color	0,50€
8.3.- Por cada copia tamaño DIN A-3 en branco e negro	0,50€
8.4.-Por cada copia tamaño DIN A-3 en cor	0,75€
8.5.- Por cada copia tamaño superior a DIN A-3 en branco e negro	2,50€
9.6.- Por cada copia tamaño superior a DIN A-3 en color	5,00€
10.- O envío por correo postal das reproducións, incrementa o seu coste cos gastos de envío	
11.- Por cada imaxe enviada por correo electrónico	1,87€
12.- Certificacións de acordos adoptados polos Órganos de Goberno	1,50€
13.- Certificacións expedidas polo Negociado de Rendas e Exaccións	0,50€
14.-Certificacións ou informes relativos a expedientes de licenzas de obras, apertura ou traspaso de establecementos ou cambio de titularidade inferior a 5 anos	0,50 €
15.-Certificacións ou informes relativos a expediente de licenzas de obras, aperturas ou traspasos de establecementos ou cambio de titularidade superior a 5 anos	1,50€
16.-Certificados expedidos polo Servizo de Intervención ou Tesourería	1,50€
17.-Certificacións de autorización por cambio de vehículo ou adscripción de vehículos a licenzas Clase B e Clase e cambios de titularidade	1,00€
18.-Solicitude de informes emitidos polos técnicos ou servizos sociais	15,00€
19.-Expedición da tarxeta de estacionamento para persoas con minusvalidez	1,00€
20.-Certificacións e informes expedidas polos distintos negociados e servizos e non contemplados no presente epígrafe	1,00€
21.-Por cada expediente de declaración de ruínas de edificio	75,00€
22.-Por cédulas, informes e calificacións urbanísticas	25,00€
23.-Certificacións informes sobre expediente de legalidade urbanística de edificios e similares, incluídos os negativos	6,00€
24.-Por tramitación de licenzas e/ou autorizacións de parcelacións, segregacións e/ou división de terreos	10,00€

25.-Por tramitación de licenza de obra, tanto menor como maior 1% custo do presuposto, cun mínimo de 50 €, e aos efectos da licenza de obras menor tomarase como referencia de presupostos os prezos aprobados polo concello	
26.-Por tramitación de proxecto de urbanización 2% do presuposto de execución material do proxecto	
27.-Por tramitación de expediente de aprobación de estudio de detalle	2.000,00 €
28.-Por tramitacións expediente de aprobación de instrumentos de ordenación, plans especiais, parciais, sectorizacións outros plans de desenvolvemento e xestións urbanísticas, así como alteracións dos mesmos	4.000,00€
29.-Pola celebración de matrimonios civís	
29.1.-Por cada enlace celebrado de luns a venres hábiles (entre as 12:00 e as 20:00 horas)	67,00€
29.2.-Por cada enlace celebrado en horario distinto ó establecido, así como os sábados e festivos	125,75€
30.-Inscripción no rexistro municipal de parellas de feito	10,00€
31.-Inscripción no rexistro municipal de cans perigosos	10,00€
32.-Pola práctica de información testificais	10,00€
33.-Por cada contrato que se formalice en documento administrativo, en calquera das súas modalidades e procedementos	15,00€
34.-Participación en probas selectivas de persoal funcionario e laboral fixo	
34.1.-Grupo A1 ou persoal laboral asimilado	36,00€
34.2.-Grupo A2 ou persoal laboral asimilado	30,00€
34.3.-Grupo C1 ou persoal laboral asimilado	24,00€
34.4.-Grupo C2 ou persoal laboral asimilado	18,00 €
34.5.-Outras categorías	12,00€
35.-Por cada copia de documentación en C.D	10,00€

Terán unha bonificación no 100% da tarifa establecida no epígrafe 29 cando un dos contraíntes sexa vexiño de Láncara con a lo menos un ano de antigüidade.

ARTIGO 7º.-DEVENGO

1.-Devéngase a Taxa e nace a obriga de contribuir cando se presente a solicitude que inicia a tramitación dos documentos e expedientes suxeitos ó tributo.

2.-Nos casos a que se refire o número 2 do artigo 2º o devengo prodúcese cando teñan lugar as circunstancias que prevegan a actuación municipal de oficio ou cando esta se inicie sen a previa solicitude do interesado pero redunde no seu beneficio.

ARTIGO 8º.-DECLARACIÓN DE INGRESO

1.-A taxa esixirase en réxime de autoliquidación, polo procedemento de selo municipal adherido ó escrito de solicitude da tramitación do documento ou expediente, ou nestes mesmos se aquel escrito non existise, ou a solicitude non fose expresa.

2.-Os escritos recibidos polos condutos a que se fai referencia nas Leis de Procedemento Administrativo Común e de Ráxime Xurídico, que non veñan reintegrados, serán admitidos provisionalmente, pero non poderá dársele curso, sen que se subsane a deficiencia, para o cal requerirase ó interesado para que, no prazo de dez

días abone as cotas correspondentes co apercibimento de que, transcorrido dito prazo sen efectualo teranse os escritos por no presentados e será arquivada a solicitude.

ARTIGO 9º.-INFRACCIÓN E SANCIÓN

En todo o relativo á calificación de infraccións tributarias así como as sancións que as mesmas correspondan en cada caso, estarase ó disposto nos artigos 183 e 35 e seguintes da Lei Xeral Tributaria segundo o Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais.

DISPOSICIÓN FINAL

A presente ordenanza entrará en vigor unha vez publicada no Boletín Oficial da Provincia de Lugo, sendo de aplicación a partir do 1 de xaneiro do 2017, permanecendo vixente ata a súa expresa modificación ou derogación”.

A Pobra de San Xiao (Láncara), 21 de decembro de 2016.- O alcalde, Darío A. Piñeiro López

R. 3896

Anuncio

INFORMACIÓN PÚBLICA

O Pleno do Concello de Láncara en sesión extraordinaria realizada o 2/11/2016 acordou aprobar inicialmente a modificación da Ordenanza fiscal n.º 9 reguladora da Taxa por prestación de servizos nas instalacións deportivas municipais. O citado acordo foi exposto ó público polo prazo de 30 días hábiles mediante anuncio publicado no BOP de Lugo de 05/11/2016 sen que durante ese prazo se presentase reclamación algunha, polo que se entende definitivo o acordo inicialmente adoptado co texto que se transcribe:

“ORDENANZA FISCAL Nº 9 REGULADORA DA TAXA POLA PRESTACIÓN DE SERVIZOS NAS INSTALACIÓNS DEPORTIVAS MUNICIPAIS E CARTEIS PUBLICITARIOS

ARTIGO 1º.-FUNDAMENTO E OBXECTO

No uso das facultades conferidas polos artigos 106 da Lei 7/85 de 2 de abril, Reguladoras das Bases de Réxime Local, e de conformidade co disposto nos artigos 15 a 19 do Real Decreto Lexislativo 2/2004, de 5 de marzo, pola que se aproba o texto refundido da Lei Reguladoras das Facendas Locais, o Concello de Láncara establece a Taxa por prestación de servizos nas instalacións deportivas municipais, a que se refire o artigo 20.4 a) do propio Real Decreto Lexislativo, que se rexerá pola presente Ordenanza Fiscal, e cuxas normas atenden ao previsto no artigo 57 do dito Real Decreto Lexislativo.

ARTIGO 2º.-FEITO IMPOÑIBLE

Constitúe o feito imponible desta taxa:

1.- A prestación de servizos e a utilización das instalacións deportivas municipais seguintes:

Pavillón Polideportivo Municipal a Pobra de San Xiao.

Pista de Pádel.

2.- A colocación de carteis publicitarios.

Non están suxietas ao pago as actividades deportivas organizadas directamente polo Concello de Láncara.

ARTIGO 3º.-BENEFICIOS FISCAIS.

Se aplicarán os beneficios fiscais previsto en normas con rango de lei e nos tratados internacionais.

As Asociacións Deportivas e Culturais con sede no concello que organicen actividades e competicións planificadas e organizadas, de interese social, terán unha bonificación do 50% sobre o prezo establecido.

As Entidades Deportivas municipais que pertencen a algunha das Federacións Deportivas Galegas, e estean inscritos en competicións oficiais propias da súa modalidade deportiva, gozarán dunha bonificación do 60% sobre o prezo establecido.

ARTIGO 4º.-OBRIGADOS TRIBUTARIOS.

É obrigado tributario, en concepto de contribuínte, a persoa física ou xurídica e as entidades á que se refire o artigo 35.4 da Lei Xeral Tributaria, que soliciten a utilización das instalacións ou a prestación dos servizos suxeitos e queñas as utilicen aínda sen ter obtido a preceptiva autorización.

Serán responsables solidarios da débeda tributaria as persoas ou entidades a que se refire o artigo 42 da Lei Xeral Tributaria.